

na ekonomskom kodu:

Ekon. kod	Subanalitika	Funkcija	Opis	Iznos(u KM)
6142		094	Tekući transferi pojedincima	2.375

VII

Odobrava se unos sredstava (primljeni tekući transferi od Federacije 732112) u Budžet Kantona Sarajevo za 2022. godinu u iznosu od 949 KM koja su Univerzitet u Sarajevu - Fakultet sporta i tjelesnog odgoja doznačena od strane Fondacije za mobilnost studenata i nastavnika Federacije BiH u skladu sa Ugovorom u svrhu realizacije realizacije projekta CEEPUS III.

Sredstva će se evidentirati kako slijedi:

Razdjel	Glava	Potrošačka jedinica	Naziv budžetskog korisnika
35	02	0008	Univerzitet u Sarajevu - Fakultet sporta i tjelesnog odgoja

na ekonomskom kodu:

Ekon. kod	Subanalitika	Funkcija	Opis	Iznos(u KM)
6142		094	Tekući transferi pojedincima	949

VIII

Ministarstvo finansija će evidentirati i proknjižiti uplaćena sredstva i izvršiti plaćanje po nalogu resornog ministarstva, te pratiti utrošak istih.

IX

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-23929-2/22

13. juna 2022. godine

Sarajevo

Premijer

Edin Forto, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 82. sjednici održanoj 09.06.2022. godine, donijela je

ODLUKU**O IZMJENI I DOPUNI ODLUKE O REGISTRU JAVNIH
OGLASA ZA PRIJEM U RADNI ODNOS U JAVNOM
SEKTORU KANTONA SARAJEVO**

Član 1.

(Dopuna člana 2.)

- (1) U Odluci o Registru javnih oglasa za prijem u radni odnos u javnom sektoru Kantona Sarajevo ("Službene novine Kantona Sarajevo", broj 19/22) u članu 2. iza stava (1) dodaje se novi stav (2) koji glasi:
- "(2) Odluku su dužne primjenjivati i ustanove iz oblasti obrazovanja".
- (2) Dosadašnji stav (2) postaje stav (3).

Član 2.

(Izmjena člana 11.)

U članu 11. stav (1) mijenja se i glasi:

- "(1) Odredbe ove odluke obavezno se primjenjuju na sve poslodavce koji u postupku prijema u radni odnos na određeno i neodređeno vrijeme primjenjuju Uredbu o postupku prijema u radni odnos u javnom sektoru na teritoriji Kantona Sarajevo, kao i ustanove iz oblasti obrazovanja".

Član 3.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-23327-18/22

09. juna 2022. godine

Sarajevo

Premijer

Edin Forto, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 22. stav (2) i (3) i člana 27. stav (2) Zakona o državnoj službi u Kantonu Sarajevo ("Službene novine Kantona Sarajevo", broj 31/16 i 45/19) i člana 13. stav (2) Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 36/21) Vlada Kantona Sarajevo, na 81. sjednici održanoj 02.06.2022. godine, donijela je

RJEŠENJE**O IMENOVANJU DIREKTORA UPRAVE ZA
ŠUMARSTVO**

I

Amir Joldo dipl.ecc. imenuje se za direktora Uprave za šumarstvo na period od pet (5) godina.

II

Ovo rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-22299-20/22

02. juna 2022. godine

Sarajevo

Premijer

Edin Forto, s. r.

Na osnovu čl. 137., 138., 138a. i 182. Zakona o radu ("Službene novine Federacije BiH", br. 26/16 i 89/18), Samostalni sindikat osnovnog obrazovanja i odgoja Federacije BiH - Kantonalni odbor Kantona Sarajevo, kao predstavnik radnika, i Vlada Kantona Sarajevo, kao predstavnik poslodavca, zaključuju

KOLEKTIVNI UGOVOR**ZA DJELATNOSTI PREDŠKOLSKOG ODGOJA I
OSNOVNOG ODGOJA I OBRAZOVANJA U KANTONU
SARAJEVO****I - OPĆE ODREDBE****Strane Kolektivnog ugovora**

Član 1.

Ugovorne strane su:

- Vlada Kantona Sarajevo, kao poslodavac (u daljem tekstu: Vlada),
- Samostalni sindikat osnovnog obrazovanja i odgoja Federacije BiH - Kantonalni odbor Kantona Sarajevo, kao predstavnik radnika (u daljem tekstu: Sindikat).

Član 2.

Na strani poslodavca ovaj Kolektivni ugovor obavezuje Vladu, upravne/školske odbore i direktore javnih ustanova (u daljem tekstu: direktor) u kojima se obavljaju djelatnosti predškolskog odgoja i osnovnog odgoja i obrazovanja.

Član 3.

- Ovim Kolektivnim ugovorom za djelatnosti predškolskog odgoja i osnovnog odgoja i obrazovanja (u daljem tekstu: Kolektivni ugovor) uređuju se prava i obaveze poslodavca